



ევროკავშირი
საქართველოსთვის
The European Union for Georgia



საჯარო სამსახურების დაძმობილების პროექტი

Contract: GE 16 ENI ST 06 18

საქართველოს სტატისტიკური სისტემის შესაძლებლობების გაძლიერება

კომპონენტი 2: “ეროვნული ანგარიშების მეთოდოლოგიური საფუძვლების
გაძლიერება ევროკავშირის სტანდარტების შესაბამისად”

ქვეკომპონენტი 2.2: “რესურსებისა და გამოყენების ცხრილების (SUT) და
დანახარჯებისა და გამოშვების (I/O) ცხრილების შედგენის
მეთოდი”

მისიის ანგარიში

აქტივობა: 2.2.B “ჯამური სამიზნე მაჩვენებლებისა და შემადგენელი
კომპონენტების პირველადი მაჩვენებლების გაანგარიშება”

მისიის განმახორციელებელი ექსპერტები:
ბ-ნი იენს ჰოლსტ იენსენი, დანიის სტატისტიკა
ქ-ნი მარია ნილსონი, დანიის სტატისტიკა

2019 წლის 21 ოქტომბერი - 24 ოქტომბერი

ვერსია: საბოლოო



ევროკავშირი
საქართველოსთვის
The European Union for Georgia



ექსპერტების საკონტაქტო ინფორმაცია

ბ-ნი იენს ჰოლსტ იენსენი
დანის სტატისტიკა
კოპენჰაგენი, დანია
ტელ.: +45 3917 3484
ელ. ფოსტა: jhj@dst.dk

ქ-ნი მარია ნილსონი
დანის სტატისტიკა
კოპენჰაგენი, დანია
ტელ.: +45 3917 3408
ელ. ფოსტა: mnj@dst.dk

სარჩევი

1. ზოგადი შენიშვნები.....	4
2. შეფასება და შედეგები	4
3. დასკვნები და დამატებითი განხილვები.....	8
დანართი 1. ტექნიკური დავალება.....	10
დანართი 2. ექსპერტებთან შეხვედრებში მონაწილე პირები	11



1. ზოგადი შენიშვნები

წინამდებარე მისიის ანგარიში ევროკავშირის საჯარო სამსახურების დამმობილების პროექტის „საქართველოს სტატისტიკური სისტემის შესაძლებლობების გაძლიერება“ ფარგლებში მომზადდა. დასრულდა პროექტის 2.2 ქვეკომპონენტის - “რესურსებისა და გამოყენების ცხრილების (SUT) და დანახარჯებისა და გამოშვების (I/O) ცხრილების შედგენის მეთოდი” - მეორე მისია, რომელიც ძირითადად ჯამური სამიზნე მაჩვენებლებისა და შემადგენელი კომპონენტების პირველადი მაჩვენებლების გაანგარიშებას დაეთმო.

მისია შემდეგი საკითხების განხილვას, შეფასებას და დამუშავებას დაეთმო:

- რესურსებისა და გამოყენების ცხრილების ჩარჩო პროდუქტებისა და საქმიანობის ახალი კლასიფიკაციის შესაბამისად.
- მთლიანი გამოშვებისა და შუალედური მოხმარების წლიური სამიზნე მაჩვენებლების მწკრივები 64 დარგის NACE-ის კლასიფიკაციის მიხედვით. პირველადი სტატისტიკის მონაცემებზე დაყრდნობით სამიზნე მაჩვენებლების შემუშავებისა და მცირე და დაუკვირვებადი ერთეულების დამატების მეთოდი.
- ახალ დარგებში ახალი პროდუქტების მიხედვით დანახარჯების სტრუქტურის მომზადების მეთოდი.
- პირველადი განაწილება შინამეურნეოების საბოლოო მოხმარების ახალი პროდუქტების მიხედვით.
- იმპორტისა და ექსპორტის მაჩვენებლები ახალი პროდუქტების კლასიფიკაციის მიხედვით.
- ახალი პროდუქტების წლიური ფასების ინდექსების გამოყვანა.

კონსულტანტები მადლიერებას გამოხატავენ შეხვედრაში მონაწილე ყველა თანამდებობის პირისა და თანამშრომლის მიმართ საქართველოში განხორციელებული მისიის პერიოდში უზრუნველყოფილი მხარდაჭერისა და ინფორმაციისთვის, რამაც მნიშვნელოვნად შეუწყო ხელი კონსულტანტების წარმატებულ მუშაობას.

წინამდებარე ანგარიშში წარმოდგენილია კონსულტანტების მოსაზრებები და დასკვნები, რომლებიც არ გულისხმობს ევროკავშირის, საქსტატის, დანიის სტატისტიკის ან პროექტის განხორციელებაში ჩართული სხვა სტატისტიკური სამსახურების შეხედულებებს.

2. შეფასება და შედეგები

მისია ძირითადად ახალ ჩარჩოზე NACE 2.rev. და SNA 2008-ის ახალი კლასიფიკაციით მუშაობას დაეთმო. დანიელმა ექსპერტებმა და საქსტატის თანამშრომლებმა განიხილეს ახალი ჯამური მაჩვენებლები - მთლიანი გამოშვებისა და შუალედური მოხმარების პირველადი/სამიზნე მაჩვენებლები NACE-ის 64 დარგის კლასიფიკაციის მიხედვით. აღნიშნულისა და ახალი კლასიფიკაციის მიხედვით ეროვნული ანგარიშების ახალი მაჩვენებლების დაგეგმილი გამოქვეყნების გამო, მისია 2.2 აქტივობის ნაცვლად თითქმის მთლიანად 2.1 აქტივობის დავალებებს დაეთმო. თუმცა ახალი მაჩვენებლების ჩარჩო, რომელთა განხილვაც მისიის მთავარ ამოცანას წარმოადგენდა, შეიძლება მეტნაკლებად იქნეს გამოყენებული რესურსებისა და გამოყენების ახალი ცხრილების სისტემაში, რომელიც 2.2. აქტივობის ფარგლებში განხორციელდება.



განგარიშების ეტაპები

ნოემბერში დაგეგმილი გამოსაქვეყნებელი მაჩვენებლების განგარიშების ეტაპებია:

1. 2017 და 2018 წლების ახალი საბაზისო მონაცემების განგარიშება მიმდინარე ფასებში, რაც მოიცავს:
 - a. NACE-ის ახალ კლასიფიკაციას (დარგები)
 - b. SNA2008-ის დანერგვას
 - c. ახალ წყაროებსა და მეთოდებს (მაგალითად, სტრუქტურული ბიზნეს სტატისტიკა სხვადასხვა დონეზე)
2. საბაზისო მონაცემების დეფლირება
3. ახალი საბაზისო მონაცემების რეტროპოლაცია
4. რეტროპოლაციით აღდგენილი მწკრივების დეფლირება

მისია თითქმის მთლიანად პირველ ეტაპს დაეთმო - 2017 და 2018 წლების ახალი საბაზისო მონაცემების მომზადება მიმდინარე ფასებში. საქსტატის ეროვნული ანგარიშების თანამშრომლებმა უზარმაზარი სამუშაო განახორციელეს ახალი საბაზისო მონაცემებისთვის ახალი მაჩვენებლების განგარიშების მიმართულებით. საქსტატის თანამშრომლებმა დანიელ ექსპერტებს 2017 წლის ახალი მაჩვენებლები წარმოუდგინეს და მისიის განმავლობაში მაჩვენებლები 2018 წლის ჩარჩოშიც აისახა. მისიის პერიოდში განხილვები დაეთმო ასევე მონაცემების დეფლირებას და რეტროპოლაციას და დანიელმა ექსპერტებმა უზრუნველყვეს რეკომენდაციები და რჩევები განგარიშების ბოლო სამ ეტაპთან დაკავშირებით.

ახალი საბაზისო მონაცემების განგარიშების დარჩენილი ეტაპები გულისხმობს:

1. ჩარჩოში ახალი მაჩვენებლების ასახვას და ახალი მაჩვენებლების შეფასებას:
 - a. პირველადი სტატისტიკიდან ეროვნული ანგარიშების კონცეფციების ჩათვლით (სტრუქტურული ბიზნეს სტატისტიკა, დაუკვირებადი, ეროვნული ანგარიშების კონცეფციები)
 - b. ამჟამად გამოქვეყნებულ მაჩვენებლებთან შედარების გზით
 - c. გადასინჯვის შეფასება
2. დაბალანსება

მისია ორიენტირებული იყო ჩარჩოში ახალი მაჩვენებლების ასახვაზე და ახალი მაჩვენებლების შეფასებაზე. დროის უმეტესი ნაწილი ჩარჩოს ძირეულ განხილვას, თითოეული მაჩვენებლის დეტალურ შემოწმებასა და დამატებითი განგარიშებების საჭიროების შეფასებას დაეთმო. სამუშაოები ეროვნული ანგარიშების არსებულ მაჩვენებლებთან შედარებასაც მოიცავდა, რის საფუძველზეც გაკეთდა შეფასება ახალი განგარიშებების გონივრულობის შესახებ. განხილვები მოიცავდა დაბალანსებასაც, თუმცა დაბალანსების საკითხი დახურული არ არის. მიმდინარე კვირის განმავლობაში განხორციელებულმა მუშაობამ ცხადყო, რომ მაჩვენებლების დაბალანსება რამდენიმე მნიშვნელოვანი საკითხის გადაჭრას მოითხოვს. აღნიშნულ საკითხებზე საქსტატის თანამშრომლებმა უნდა იმუშაონ.

მაჩვენებლების ახალ ჩარჩოში ასახვა

ჩარჩოში ახალი მაჩვენებლების ასახვის პირველი ეტაპის მიზანია მთლიანი გამოშვებისა და შუალედური მოხმარების მაჩვენებლების შეფასება დარგებისა და წყაროს მიხედვით. გამოშვებისა და შუალედური მოხმარების მაჩვენებლები ასახული იყო დანიელი ექსპერტების მიერ



წარმოდგენილ ექსელის ფაილში, რომელშიც მონაცემები შემდეგი წყაროდან აისახა: სტრუქტურული ბიზნეს სტატისტიკა, დაუკვირვებადი, შინამეურნეობების წარმოება, სამთავრობო ფინანსების სტატისტიკა, ფინანსური სექტორი, შმაკო და ეროვნული ანგარიშების კონკრეტული დაზუსტებები, როგორცაა ფინანსური შუამავლობის მომსახურების არაპირდაპირი შეფასება (FISIM) და საბანკო მომსახურება. აღნიშნულმა სამუშაოებმა გამოავლინეს გასაანგარიშებელი მაჩვენებლები და ასეთი მაჩვენებლების უმეტესი ნაწილი მისიის პერიოდში აისახა ჩარჩოში. ცხრილებმა ასევე გამოავლინა საკითხები, რომლებიც დამატებით შეფასებას მოითხოვდა. წარმოების, შუალედური მოხმარების და საბოლოო მოხმარების ყველა „სამიზნე მაჩვენებელი“ - პირველადი მაჩვენებლები დაბალანსებამდე - დანიელი ექსპერტების მიერ წარმოდგენილ ექსელის ფაილში აისახა. ექსელის ფაილში ასახული იყო ასევე ძირითადი აგრეგატები, დამაბალანსებელი მუხლი და მშპ-ის მაჩვენებელი რესურსებისა და გამოყენების მხრიდან. განხორციელდა ყველა ძირითადი აგრეგატის, დანახარჯების კოეფიციენტისა და მშპ-ის შედარება გამოქვეყნებულ მაჩვენებლებთან. ექსელის ორი გვერდი გამოყენებული იქნა, როგორც ჩარჩო ახალი მაჩვენებლების განხილვისა და შეფასებისთვის. დანიელმა ექსპერტებმა და საქსტატის თანამშრომლებმა გამოყვეს შემდეგი საკითხები, რომლებზეც ქართული მხარე დაგეგმილ გამოქვეყნებამდე იმუშავებს:

- სოფლის მეურნეობის მონაცემები ახალი გამოკვლევიდან
- სტრუქტურული ბიზნეს სტატისტიკის გამოშვებაში განხორციელებული კორექტირება ეროვნულ ანგარიშებშიც უნდა განხორციელდეს.
- მშენებლობა
 - საკუთარი ძალებით მშენებლობის ფასნამატი და ახალი გამოკვლევის გამოყენება
 - სამოქალაქო მშენებლობა
- სახელმწიფო ფინანსების სტატისტიკის მაჩვენებლები – სამიზნე მაჩვენებლებს აკლია მშენებლობა.
- იმპორტის მაჩვენებელი შემცირებულია – მონაცემების გადასინჯვის ან ახალი საგადასახდელო ბალანსის გამო
- საცხოვრისების გაანგარიშებაში ფინანსური შუამავლობის მომსახურების არაპირდაპირი შეფასების (FISIM) შუალედური მოხმარების შესაბამისობა ფინანსური შუამავლობის მომსახურების არაპირდაპირი შეფასების ახალ განაწილებასთან დაცული არ არის.
- დანახარჯების-კოეფიციენტებში განხორციელებული მნიშვნელოვანი ცვლილებები შემოწმებას მოითხოვს.

დანიელ ექსპერტებს უნდა წარედგინოს შინამეურნეობების ახალი კვლევის შედეგები - სოფლის მეურნეობა და მშენებლობა. ექსპერტები ელ. ფოსტით ეცდებიან, დაეხმარონ საქსტატის თანამშრომლებს მაჩვენებლების შეფასებაში.

ნოემბრის გამოქვეყნებამდე დარჩენილი შეზღუდული დროის გამო დანიელი ექსპერტების რეკომენდაციით, ახალი მაჩვენებლები შედარებით აგრეგირებულ (ჯამური მაჩვენებლები) დონეზე უნდა დაბალანსდეს და არა პროდუქტის დონეზე რესურსებისა და გამოყენების ცხრილების სისტემაში. აღნიშნული გავლენას იქონიებს დეფლირების შერჩეულ მეთოდზე. აღნიშნული საკითხი განხილული იქნა მისიის პერიოდში და დანიელი ექსპერტების რეკომენდაციით, გამოშვებისთვის გამოყენებული უნდა იყოს პროდუქტის სტრუქტურა, ხოლო ძველი ეროვნული ანგარიშებიდან აღებული (ახალ კლასიფიკაციაზე გადაყვანილი) პირობითი ფასების ინდექსი გამოყენებული უნდა იყოს შუალედური მოხმარებისთვის და საბოლოო



მოხმარებისთვის. მისიის განმავლობაში განხილული იქნა შესაძლო მეთოდები და საქსტატის თანამშრომლები დეფლირებაზე მუშაობას საბაზისო მონაცემების მიმდინარე ფასებში დაბალანსებისთანვე გააგრძელებენ. აღნიშნული თვალსაზრისით, დანიელი ექსპერტების რეკომენდაციით, საქსტატის თანამშრომლებმა დაგეგმილი გამოქვეყნება შედარებით უფრო აგრეგირებულ დონეზე უნდა განახორციელონ - როგორც საქმიანობის კლასიფიკაციის, ისე საბოლოო მოხმარების (შინამეურნეობები) თვალსაზრისით. ექსპერტების რეკომენდაცია ასევე ითვალისწინებს საქსტატის მიერ რესურსებისა და გამოყენების ცხრილების განახლების გადავადებას, რომელიც 2019 წლის დეკემბრისთვის არის დაგეგმილი. მომდევნო წელს დაინერგება და 2.2 აქტივობის შედეგებზე დაყრდნობით გამოქვეყნდება რესურსებისა და გამოყენების ცხრილების ახალი სისტემა. რესურსებისა და გამოყენების ცხრილების ახალი და უფრო დეტალური სისტემა, სავარაუდოდ, დეტალური გადასინჯვების საჭიროებას და რესურსებისა და გამოყენების ცხრილების სტრუქტურის შეცვლას გამოიწვევს.

მისია მოკლედ შეეხო ახალი საბაზისო მონაცემების რეტროპოლაციას. დანიელი ექსპერტების რეკომენდაციით, რეტროპოლაცია გაანგარიშების შემდეგ ეტაპებს უნდა მოიცავდეს:

1. ძველ და ახალ დარგებს შორის კოდების განსაზღვრა სტრუქტურული ბიზნეს სტატისტიკის ძველი და ახალი დარგების საფუძველზე.
2. ძველი მაჩვენებლების/მწკრივების გადატანა ახალ დარგებში „საქმიანობის კოდების“ დახმარებით.
3. რამდენიმე მწკრივის ახალი მაჩვენებლებით ჩანაცვლება, მაგალითად, სოფლის მეურნეობა, მშენებლობა, საცხოვრისები, სახელმწიფო ფინანსების სტატისტიკა.
4. საბოლოო მოხმარების შესაბამისი მწკრივების შეცვლა – შინამეურნეობათა მოხმარება, სამთავრობო საბოლოო დანახარჯები (ინდივიდუალური და კოლექტიური) და მთლიანი ფიქსირებული კაპიტალის ფორმირება.
5. ზრდის ტემპების გამოყენება დანარჩენი მაჩვენებლებისთვის/მწკრივებისთვის.
6. გამოყენების მხარეს გარკვეული ნაწილების დაბალანსება თითოეულ წელზე.

დროის შეზღუდულობის გამო ექსპერტების რეკომენდაციით, ახალი მაჩვენებლები შედარებით აგრეგირებულ (ჯამური მაჩვენებლები) დონეზე უნდა დაბალანსდეს და არა პროდუქტის დონეზე რესურსებისა და გამოყენების ცხრილების ჩარჩოში.

რესურსებისა და გამოყენების ცხრილების ახალი სისტემის გაცნობა მისიის განმავლობაში ვერ მოხერხდა მთელი აქცენტის დაგეგმილ გამოქვეყნებაზე გადატანის გამო. დანიელი ექსპერტები საქსტატს რესურსებისა და გამოყენების ცხრილების ახალ სისტემას მომდევნო მისიის განმავლობაში გააცნობენ. მომდევნო მისიის დღის წესრიგში სისტემის გაცნობასთან ერთად შემდეგი საკითხები იქნება შეტანილი:

- ახალი ჩარჩოს და საბაზისო მონაცემების გამოყენების მეთოდი რესურსებისა და გამოყენების ცხრილების ახალი სისტემაში
- რესურსებისა და გამოყენების ცხრილების ახალი სისტემის მახასიათებლები - მწკრივები (პროდუქტები) და სვეტები (დარგები, შინამეურნეობის მოხმარების და სხვა საბოლოო მოხმარების ჯგუფები)

სამუშაოს დაჩქარებისა და რესურსებისა და გამოყენების ცხრილების ახალი სისტემაზე მუშაობის ვადების დაცვის მიზნით, საქსტატის თანამშრომლებმა დანიელ ექსპერტებს უნდა გაუზიარონ



საქონლის ექსპორტის დეტალური მონაცემები მომდევნო მისიის დაწყებამდე, რის საფუძველზეც ექსპერტები უზრუნველყოფენ რეკომენდაციებს რესურსებისა და გამოყენების ცხრილების ახალ სისტემაში პროდუქტების კლასიფიკაციასთან დაკავშირებით.

3. დასკვნები და დამატებითი განხილვები

- განხილული და შეფასებული იქნა ახალი საბაზისო მონაცემებისთვის ახალი ამოცანის - დარგების მიხედვით გამოშვებისა და შუალედური მოხმარების და საბოლოო მოხმარების ჯამური მაჩვენებლები - ჩარჩო. იდენტიფიცირებული იქნა ახალი საბაზისო მონაცემების შესრულების დასრულებამდე გადასაჭრელი რამდენიმე ამოცანა.
- საქსტატის თანამშრომლებმა უზარმაზარი მოცულობის სამუშაო შეასრულეს მოცემული საბაზისო მონაცემებისთვის საჭირო ახალი მაჩვენებლების გამოსათვლელად. მიუხედავად ამისა, კიდევ დიდი სამუშაოა განსახორციელებელი დაგეგმილი ნოემბრის გამოქვეყნების თარიღამდე. შესაბამისად, დანიელი ექსპერტების რეკომენდაციით, საქსტატმა დაბალანსება უნდა განახორციელოს აგრეგირებულ (ჯამური მაჩვენებლების) დონეზე და არა პროდუქტის დონეზე, როგორც მანამდე იყო დაგეგმილი.
- ახალი საბაზისო მონაცემების აგრეგირებულ დონეზე დაბალანსება დაგეგმილ დეფლირებაზე იქონიებს გავლენას. დანიელი ექსპერტების რეკომენდაციით, გამოშვების დეფლირება პროდუქტის განაწილების გზით უნდა განხორციელდეს, ხოლო შუალედური მოხმარებისა და საბოლოო მოხმარების დეფლირება აგრეგირებულ დონეზე პირობითი ფასების ინდექსით უნდა განხორციელდეს.
- ზემოთ მოცემული ორი შენიშვნის გათვალისწინებით, დანიელი ექსპერტების რეკომენდაცია გულისხმობს დაგეგმილი გამოქვეყნების უფრო აგრეგირებულ დონეზე განხორციელებას - როგორც დარგებზე, ისე მოხმარების ჯგუფებზე.
- მისიის ძირითადი აქცენტი დაგეგმილი გამოქვეყნება იყო. შესაბამისად, რესურსებისა და გამოყენების ახალი ცხრილების სისტემის დამატებითი განხილვები არ განხორციელებულა. მოცემული მისიის პერიოდში განხილული ჩარჩო გამოყენებული იქნება რესურსებისა და გამოყენების ახალი ცხრილების სისტემაში, რომლის გაცნობაც 2.2 კომპონენტის მომდევნო აქტივობის ფარგლებში უნდა მოხდეს.
- მისიის პერიოდში განხილული არ იყო რესურსებისა და გამოყენების ცხრილების ახალი სისტემა, თუმცა მომდევნო მისიის დაწყებამდე დანიელ ექსპერტებს უნდა გაეგზავნოთ ექსპორტის დეტალური ნუსხა, რომელზე დაყრდნობითაც პროდუქტის მახასიათებლების პირველი მონახაზი გაკეთდება რესურსებისა და გამოყენების ცხრილების ახალ სისტემაში. მონახაზი დანიელმა ექსპერტებმა მომდევნო მისიის პერიოდში 2.2 კომპონენტისთვის უნდა წარმოადგინონ.

გაუმჯობესების მიმართულებით განსახორციელებელი ნაბიჯები:

მოქმედება	ვადა	პასუხისმგებელი პირი
დანიელი ექსპერტებისთვის საქონლის ექსპორტის დეტალური ნუსხის წარდგენა	2019 წლის დეკემბერი	საქსტატი
რესურსებისა და გამოყენების ცხრილების ახალი სისტემის პროდუქტების პირველადი	2020 წლის იანვარი	დანიელი ექსპერტები



ევროკავშირი
საქართველოსთვის
The European Union for Georgia



მონაზაზი		
----------	--	--



დანართი 1. ტექნიკური დავალება

ტექნიკური დავალება

ევროკავშირის საჯარო სამსახურების დამმობილების პროექტი
GE 16 ENI ST 06 18

2019 წლის 21 – 24 ოქტომბერი 2019

კომპონენტი 2: ეროვნულ ანგარიშებში მეთოდოლოგიური საფუძვლების გაძლიერება ევროკავშირის სტანდარტების შესაბამისად

ქვეკომპონენტი 2.2: რესურსებისა და გამოყენების ცხრილების (SUT) და დანახარჯებისა და გამოშვების (I/O) ცხრილების შედგენის მეთოდი

სავალდებულო შედეგები და 2.2 ქვეკომპონენტის მთავარი ამოცანები:

- რესურსებისა და გამოყენების ცხრილების (SUT) გაანგარიშების გაუმჯობესება და დანახარჯებისა და გამოშვების ცხრილების (I/O) დანერგვა

შესრულების (საბაზისო და სამიზნე) მაჩვენებლები:

- რესურსებისა და გამოყენების ცხრილები (SUT), როგორც SNA08-ის შესაბამისი სტატისტიკური პროდუქტი
 - **საბაზისო:** 2019 წელს – არ არის უზრუნველყოფილი არსებული რესურსებისა და გამოყენების ცხრილების შესაბამისობა SNA08-თან
 - **სამიზნე:** 2020 წლის დასასრულს – რესურსებისა და გამოყენების ცხრილების მომზადება მიმდინარე და მუდმივ ფასებში SNA08-ის შესაბამისად
- დანახარჯებისა და გამოშვების ცხრილების (I/O), როგორც სტატისტიკური პროდუქტის ხელმისაწვდომობა
 - **საბაზისო:** 2019 წელს – არ არსებობს დანახარჯებისა და გამოშვების ცხრილები (I/O)
 - **სამიზნე:** 2020 წლის დასასრულს – შედგენილი უნდა იყოს დანახარჯებისა და გამოშვების ცხრილები (I/O)

აქტივობა 2.2.B “ჯამური სამიზნე მაჩვენებლებისა და შემადგენელი კომპონენტების პირველადი მაჩვენებლების გაანგარიშება”

1. აქტივობის მიზანი

- რესურსებისა და გამოყენების ცხრილების (SUT) ჯამური სამიზნე მაჩვენებლების შედგენა
- რესურსებისა და გამოყენების ცხრილების (SUT) დაფორმატებისა და მათში მაჩვენებლების ასახვის დაწყება.
- SNA2008-ის განხორციელების გეგმის დარჩენილი კონკრეტული საკითხების იდენტიფიცირება

2. აქტივობის მოსალოდნელი შედეგები



- რესურსებისა და გამოყენების ცხრილების სისტემის ჯამური სამიზნე მაჩვენებლების განსაზღვრა. ეს იქნება წარმოებისა და შუალედური მოხმარების პირველადი ჯამური შეფასებითი მაჩვენებლები თითოეული დარგისა და მოხმარების ჯგუფის მიხედვით.
- დამატებული ღირებულების კომპონენტების პირველადი მაჩვენებლების განსაზღვრა დარგების მიხედვით.
- თითოეული გაანგარიშების შემოწმება და სტრუქტურული ბიზნეს სტატისტიკიდან აღებული მონაცემების მოცვისა და სისრულის, განზოგადების პროცედურების, გეოგრაფიული მოცვის, არაოფიციალური ღონისძიებების, ორმაგი ანგარიშის, ა.შ. შეფასება.
- განსაკუთრებული ყურადღების დაუკვირვებადი ეკონომიკის საკითხებზე გამახვილება და კვებისა და დაბინავების ხარჯების გამოკვლევის შედეგების შეფასება.
- რესურსებისა და გამოყენების ცხრილების შედგენის მიზნით შემუშავებული EXCEL-VBA-ის IT პროგრამის გამოყენებაზე მუშაობა .
- მომდევნო მისიის დაწყებამდე შესასრულებელი სამუშაოს და მისიის პერიოდში განსახილველი საკითხების განსაზღვრა
- მომდევნო აქტივობის ტექნიკური დავალების მომზადების მხარდაჭერა
- მისიის ანგარიშის მომზადება.
- 2.2 ქვეკომპონენტის გზამკვლევის განახლება.

3. შეხვედრებში მონაწილე პირები

საქსტატი

ბ-ნი ლევან ქარსაულიძე, ეროვნული ანგარიშების დეპარტამენტის უფროსი
ეროვნული ანგარიშების დეპარტამენტის ყველა თანამშრომელი

წევრი ქვეყნის ექსპერტები

ბ-ნი იენს ჰოლსტ იენსენი, დანიის სტატისტიკა
ქ-ნი მარია ნილსონი, დანიის სტატისტიკა

დანართი 2. ექსპერტებთან შეხვედრებში მონაწილე პირები

საქსტატი

ბ-ნი ლევან ქარსაულიძე, ეროვნული ანგარიშების დეპარტამენტის უფროსი
ქ-ნი მაკა კალანდარიშვილი, წლიური ანგარიშების სამმართველოს უფროსი
...

პროექტის მუდმივი უცხოელი მრჩეველის ჯგუფი

ბ-ნი სტინ ბელეფელდ პიდერსენი, პროექტის მუდმივი უცხოელი მრჩეველი
ქ-ნი ეკა ლოზუანიძე, პროექტის მუდმივი უცხოელი მრჩეველის თანაშემწე